

Der Roucher-Blues  
von Lehrer und Liedermacher Stefan Heimo, Reichenbach im Kandertal (BE)

Zu hören auf: [www.myspace.com/stefanheimo](http://www.myspace.com/stefanheimo)

Ganzes Lied gegen Gebühr herunterladen: [www.itunes.ch](http://www.itunes.ch), Suchwort "Stefan Heimo"

### ***Roucher-Blues***

Gmütlech hocksch ir Beiz  
u fragsch d'Jeanette, wi geit's  
doch nonstop muess sie a di früschi Luft  
u isch sie wider da  
de wird's der klar, ah-ja  
verströmt sie so ne (ähm...) Duft

Das isch dr Roucher-Blues  
das isch dr Roucher-Blues  
Bim Jogge hesch ke Schnuuf  
im Flache geit's bärguf  
d'Zunge chläbt am Bode u d'Lunge het ke Pfuus  
drum hesch dr Blues

U achtisch di de gnau  
de isch dä Dunscht zwar blau  
doch het sie im Mu luter bruni Zäng  
wie all di graue Gsalte  
wo vorzytig alte  
mit ihrne gälbe Finger a de Häng  
(e richtigi Farbeprecht!)

Das isch dr Roucher-Blues  
das isch dr Roucher-Blues  
Bim Jogge hesch ke Schnuuf  
im Flache geit's bärguf  
d'Zunge chläbt am Bode u d'Lunge het ke Pfuus  
drum hesch dr Blues

Aber d'Lea, di roucht nid  
Drum küssi lieber sie - u gniesse dr Ungerschied...!

Das isch dr Roucher-Blues  
das isch dr Roucher-Blues  
Bim Jogge hesch ke Schnuuf  
im Flache geit's bärguf  
d'Zunge chläbt am Bode u d'Lunge het ke Pfuus  
drum hesch dr Blues  
(dä ohni Pfuus)